

met uroterale do të kemi gjithmonë një stazë të veshkës dhe të ureterit të dëmtuar, i cili do të jetë pak më i zgjeruar dhe do të kemi dalje të lëndës së kontrastit në formë të pellgjeve në mënyrë të rregullt në hapësirën retroperitoneale. Një gjë e tillë do të shikohet edhe në rastin e futjes së kateterit ureteral në mënyrë retrograde me anën e cistoskopisë. (6,11,12).

Dalja e urinës dhe grumbullimi i saj në hapësirën retroperitoneale në rastin tonë dhanë ndërlikime të mëdha, që e rrezikuan seriozisht jetën e fëmijës. Flegmona urinare, e cila solli një gjendje septike-toksike të fëmijës, formoi edhe retroperitonitin me abscese të shumta, të cilat u drenuan dhe u mjekuan gjatë operimit. Konkretisht në rastin tonë fëmija u operua tri herë. Kjo u shkaktua nga vendosja e vonshme e diagnozës, e cila, po të tregohej një kujdes më i madh dhe po të vlerësoheshin të dhënat anamnestike, mund të vendosej më herët, duke bërë qysh në fillim ekzaminimet uroradiologjike, kështu do të shmangejshin të gjitha ndërlikimet e mëvonshme, që do të sillte edhe një taktikë tjetër mjekimi (ndoshta, mund të bëhej rekonstrukcioni i ureterit të dëmtuar).

Mjekimi i dëmtimeve të ureterit është i ndryshëm. Ai, në radhë të parë, do të varet nga koha e dëmtimit, koha e paraqitjes tek mjeku gjendja lokale, vendi i dëmtimit të ureterit, si edhe gjendja e përgjithshme e të dëmtuarit. Për këtë sot ekzistojnë metoda të ndryshme operate, të cilat do të varen nga të dhënat e mësipërme, si edhe nga të dhënat radiologjike në të cilat do të shohim praninë e dy veshkave dhe uretereve, funksionin e tyre. Duke u bazuar në këto të dhëna, mjeku do të kryejë ndërhyrjen kirurgjikale me metoda të ndryshme, si p.sh. qepja e thjeshtë e ureterit, qepja e dy cungjeve të uretereve të dëmtuara (uretero-ureteroanastomozë). Në raste të tjera mund të bëjmë qepjen e ureterit të dëmtuar në ureterin e veshkës tjetër të padëmtuar ureterocistoneostomisë me metoda të ndryshme, lidhjen e ureterit me fshikzën urinare sipas Boarit, ndërsa ka raste kur mund të bëhet nxjerrja e ureterit në lëkurë (ureterostomia kutane). Më në fund mund të bëhet edhe heqja e veshkës bashkë me ureterin.

Në rastin tonë, mendojmë se heqja e veshkës së bashku me ureterin e dëmtuar rreth 3-4 cm në një terren të një flegmone të abseduar urinare retroperitoneale me një gjendje të kompromentuar toksiko-septike e fëmijës ishte më së e drejtë, sepse kjo gjë na solli edhe shpëtimin e jetës së fëmijës.

Dorëzuar në redaksi më 8.9.1986

BIBLIOGRAFIA

- 1) **Bean A.**: Traitement chirurgical des traumatismes graves de l'appareil urinaire supérieur. Ann. chir. inf., 1966, 67, 231.
- 2) **Bruziere J., Vincens L.**: Les contusions du rein chez l'enfant Ann. urol., 1977, 105, 335.
- 3) **Carabalona P., Delmas M., Bonnes F.**: Rupture de l'uretere lombaire par contusion abdominale. Ureterographie. Mem. Ac. Chir., 1972, 98, 421.

- 4) **Carlton C.E., Scott R., Guthrie A.G.**: The initial management of ureteral injuries. J. urol., 1971, 105, 336.
- 5) **Campbell M.F.**: Urogenital injuries. Në: «Urology», 1970, 2, 1890.
- 6) **Dufour B.**: L'obstruction des contusions abdomino-lombaire, J. urol. et nephrol., 1973, 67, 191.
- 7) **Javadpour N., Guinan P., Bush I.M.**: Renal trauma in children. Surg. gynec. obst., 1973, 136, 237.
- 8) **Joung J.D.**: Trauma to the kidney and ureter. Në: «Levis, Practice in surgery», 1972, 2, 40.
- 9) **Kelalis P.P., King L.R.**: clinical pediatric urology; Genitourinary trauma, 1976, 2, 1029.
- 10) **Morse T.S., Smith J.P., Howard W.H., Rowe I.**: Kidney injuries in children. Journal of urology, 1977, 98, 539.
- 11) **Rusche C., Morrow J.W.**: Injury to the ureter. Në: «Urology», 1970, I, 811.
- 12) **Persky L., Hoch W.H.**: Jatrogenic ureteral and vesical injuries. Në: «Levis, Practice of surgery», 1974, 2, 60.
- 13) **Waterhouse K.**: Injuries to the urinary tract in children. Në: «Reviews in pediatric urology», 1974, 241.
- 14) **Wemear C.L., Mezeman E.**: Evolution spontanée d'une rupture traumatique de l'uretere. J. urol. et nephrol., 1967, 73, 291.

Summary

A CLOSED TRAUMATIC INJURY OF THE URETER

A case very difficult to diagnose is described of a traumatic injury of the ureter together with its complications in a small child. The child was operated three times and was finally cured.

Résumé

LE TRAUMATISME FERME DE L'URETÈRE

Les auteurs de cet article décrivent le cas d'un petit enfant présentant un traumatisme de l'urètre dont le diagnostic était très difficile. Après trois opérations le malade a été guéri.